



MINISTÉRIO DA SOLIDARIEDADE SOCIAL E INCLUSÃO

Direcção Nacional de Desenvolvimento Social

Termu Referensia

Konsultor Nasional atu Dezemvolve Decretu Lei Reinsersaun Sosial ba vitimas Violensia Bazeia ba Jeneru (VBJ)

Numeru Referensia: 02/MSSI/DNARH/V/2019

Periodu hahu : Abril 2019

Durasau : Fulan 12

Salario : \$ 2,250.00 kada fulan

Localidade : Diresaun Nasional Desenvolvementu Sosial

I. Background

Republica Democratica Timor Leste hanesan nasaun foun, post konfliktu nebe ho expandidu ajenda ba desenvolvimento. Notavel iha realizasaun konstrusaun paz no estabilidade, maibe dezafiu boot eziste ba institucional atu hatan ejijensia sidadaun tomak iha vulnerabilidade iha nivel nasional, postu administrativu no suco. Ho lansamentu Planu Estratejiku Nasional ba 2011-2030. Planu Governu atu investe boot ba infraestrutura, agricultura, desenvolvimento rurais no capital sosiais. Liga ho vulnerabilidade hanesan, insidente Violensia Bazeia ba Jeneru nebe iha ezijensia nesesidades protesaun imediatu, hodi fornese servisu nebe adekuaudu no sustentavel ba vitimas nebe afetadu husi asidente Violensia Bazeia ba Jeneru. Timor Leste iha prosesu desenvolvimento atraves husi Ministeriu Solidariedade Sosial e inclusão (MSSI) iha oportunidade atu hasae padraun moris populasaun nian liu husi konsolida no eleva sistema protesaun sosial hodi garante reinsersaun sosial ba grupu vulneravel hotu.

Lei N^o7/2010 de 7 Jullu nebe fó mandatu ba Ministeriu Solidariedade Sosial e Inkluzau iha nia Artigo 15 no Artigo 16 iha Lei Kontra Violensia Domestika nebe artikula mos ho Decreto-Lei N^o 33/2015 de 26 de Agosto, nebe aprova organika Ministerio da Solidariedade Sosial iha nia Artigo 16 N^o 2, alínea d) pontu ii, hateten katak “Desenvolve programa protesaun sosial destina ba vitimas violensia domestika no violensia bazeia ba jeneru”. Objetivu husi programa ne’e atu dezemvolve “Decreto Lei ba Reinsersaun Sosial”, nebe diriji ba vitimas violensia domestika no violensia bazeia ba jeneru.

Diresaun Nasional Desenvolvementu Sosial (DNDS), husi Ministeriu Solidariedade Sosial no Inkluzau mak sei implementa programa ne’e. DNDS hanesan Diresaun teknika nebe responsavel ba kordenasaun mekanismu prestasaun servisu, ba vitimas violensia

domestika no violensia bazeia ba jeneru iha Timor Leste. Artikula ho mandatu Planu Asaun Nasional Kontra Violensia Bazeia ba Jeneru nebe lansa iha 2012, atu haforsa protesaun sosial ba vitimas violensia domestika no violensia bazeia ba jeneru, define knaar boot ba MSS-DNDS atu define, dezemvolve, halo intervensaun no monitoriza prosesu prestasaun servisu sosial nebe adekuaudu no sustentanvel ba vitimas violensia domestika no violensia bazeia ba jeneru tomak iha Timor Leste.

II. Komponente programa

Programa iha komponente hanesan tuir mai :

- Komponente 1: Define konseitu fundamental/modelu Decretu Lei Reinsersaun Sosial. Komponente ida ne'e akumula preparasaun, rezultadu, konsultasaun no diskusaun nivel teknika ba definisaun modelu/konseitu Decretu Lei Reinsersaun Sosial. Tarefa ida ne'e foka ba: (a) preparasaun no konsultasaun ideias ba ambitu Decretu Lei Reinsersaun Sosial; (b) halo identifikasaun ba entidades no elementu nebe importante no relevantes hodi bele apoiu ba defini Decretu Lei Reinsersaun Sosial; (c) planu teknika kalenderizasaun atividades ba prosesu desenvolvimentu Decretu Lei Reinsersaun Sosial.
- Komponente 2: Desenvolve no finaliza Decretu Lei Reinsersaun Sosial. Iha komponente ida nee; a) defini elemenetus relevante ba prosesu dezemvolve no finaliza esbosu Decreto Lei (defini estrutura Decreto Lei, sistematiza decretu lei, elabora dokumentus no hakerek informasoens hotu-hotu nebe rekolla iha prosesu inisiu/konsultasaun). b) defini/finaliza Decretu Lei Reinsersaun Sosial; c) prepara esbosu Decretu Lei Reinsersaun Sosial ba apresentasaun pre-eliminar; d) dokumentus ikus no apresentasaun ba validasaun dokumentus Decretu Lei Reinsersaun Sosial.
- Komponente 3: Aprezentasaun Decretu Lei Reinsersaun Sosial". Komponente ida nee, akumula prosesu tomak nebe halao, no apresenta rezultadu final "Decretu Lei Reinsersaun Sosial ba MSS-DNDS ninia apresiasaun no kontinua submete ba Konsellu Ministru ninia aprovasaun.

III. Ambitu servisu

1. Halo kordenasaun no komunikasaun intensivu ba prosesu desenvolvimentu Decretu Lei Reinsersaun Sosial, atu aseguira envolvimentu entidades relevantes iha prosesu tomak, iha diskusaun, konsultasaun, preparasaun no implementasaun atividades;
2. Servisu hamutuk ho Tekniku Diresaun Nasional Desenvolvimentu – Deperatmentu Protesaun no Promosaun Direitu Feto no mos ho Instituisaun Estadu no sociedade sivil hodi apoiu prosesu desenvolvimentu Decretu Lei Reinsersaun Sosial.
3. Previzaun konseitu ba planeamentu atividades inklui kalenderizasaun ba iha prosesu desenvolvimentu Decretu Lei Reinsersaun Sosial.
4. Inisia no organiza konsultasaun, analiza dokumentus, elaborasaun dokumentus hotu hodi suporta prosesu desenvolvimentu Decretu Lei Reinsersaun Sosial.

